

Kultureqarnermut, Ilinniartitaanermut, Ilimatusarnermut Ilageeqarnermullu Naalakkersuisoq
Medlem af Naalakkersuisut for Kultur, Uddannelse, Forskning og Kirke

Inatsisartut
Inatsisartut Allattoqarfiat
Ilaqutariinnermut Ataatsimiititaliaq

**Pineqartoq UKA2009/91 Meeqqat Atuarfianni klassini qullerni atuarnut atuarnermut
tapiiffigineqarnerat pillugu Inatsisartut peqqussutaata atorunnaarsinneqarnissaa-
nut Inatsisartut Peqqussutissaatut siunnersuut**

26. oktober 2009
Sags nr. 2009-019227
Dok.nr. 249025

Ilaqutariinnermut Ataatsimiititaliaq 16. oktober 2009 allakkatigut UKA 2009/91:
Meeqqat Atuarfianni klassini qullerni atuarnut atuarnermut tapiiffigineqarnerat
pillugu Inatsisartut peqqussutaata atorunnaarsinneqarnissaanut Inatsisartut Peq-
qussutissaatut siunnersuut pillugu arlalinnik apeqquteqarput.

Postboks 1029
3900 Nuuk
Tlf: +299 345000
Fax: +299 322073
Email: kiiip@gh.gl

Apeqqutit saqqummiunneqartut matumuuna akissuteqarfigissavakka.

Allaqqaaasiutigalugu oqaatigineqassaaq, akissuteqarnissamut atugassatut KIIN-
imiit Isumaginninnermut Naalakkersuisoqarfik apeqqutinut 17, 20 aamma 21-mut
akissutissanut tapiissutissanik qinnuivigineqarsimammat. Tamatuma saniatigut
KIIN-ip KANUKOKA qinnuigisimavaa apeqqutit nr. 2, 3, 5, 6, 8, 9, 10, 11, 12, 15
aamma 17 akissutissaannut tapiissuteqaqqullugu. Isumaginninnermut Naalakker-
suisoqarfik aamma KANUKOKA akissuteqarput (akissutit ilanngunneqarput).

1) Inatsisartut siulittaasoqarfiat sinnerlugu Inatsisartut Allattoqarfiannit peqqus-
utigineqartut tusarniaanermut akissutigineqartut sooq siunnersuummut ilanngun-
neqanngillat?

Akissut:

Ajuusaarnaqisumik allaffissornikkut kukkunermik tunngaveqarpoq. Tusarniaanermi
akissutit ilanngullugit nassiuunneqarput. Tamatumunnga atatillugu tikkuarneqas-
saaq, tusarniaanermi akissutit tamarmik erseqqissumik siunnersuummut oqaase-
qaatini allaaserineqarmata.

2) Inatsisartut peqqussutaannut atorunnaarsinneqarusuttumut atatillugu kommuni-
nit ukiumoortumik atorneqartartut siunnersuutip saqqummiunneqarnissaa sioqqul-
lugu tamatumaluunniit kingorna Naalakkersuisunit misissorneqarsimappat?

Akissut:

Tamanna KIIN-imiit arlaleriarluni KANUKOKA-mut saaffiginnissutaasarsimavoq.
Tamannali saaffiginnissutip matuma akissusiornerani aatsaat KANUKOKA-miit
akissutisinissaa periarfissaqalersimavoq, tassami KANUKOKA-mut ajornakusoor-

simavoq paasissutissanik kommuninit pissarsinissaq. KANUKOKA-miit tunngaviler-suutigineqarpoq, kommuni suliassat kattunneqarnerinut atasumik ajornartorsiutinik naammattoorsisoqartarsimasoq, ilaatigut kommunitoqqanit paasissutissanik piniar-neq pisariusimalluni.

3) Aaqqissuussinerup aqutsivigineranut kommunit manna tikillugu ukiumoortumik aningaasartuutigisartagaat qanoq annertutigippat?

Akissut:

KANUKOKA-p nalunaarutigaa, aningaasartutit ataatsimut katillugit ullumikkut 7,25 millioner kr.-nit missaaniittut.

4) Apeqquutip 3-p akineqarnerani aningaasat saqqummertut Namminersornerullutik Oqartussat ataatsimoortumik tapiissutigisartagaat ukiumut 7 mio kr.-iusut annerto-qatigaat?

Akissut:

Oqaaseqaatini nalunaarutigineqartutut 2009-mi ataatsimoortumik tapiissutit 7 mio. kr.-iupput.

5) Inatsisip atorunnaarsinneratigut kommunini, tassungalu ilanngullugu atuarfinni Naalackersuisoqarfimmilu allaffissornikkut ukiumut oqilisaataasut mandetiiminngor-lugit sipaarutinngorlugilluunniit naatsorsorneqarsinnaappat?

Akissut:

KANUKOKA-p nalunaarutigaa, klasselærerit tamarmik (katillugit 107) tamarmik immikkut ukiumut nalunaaquttap akunneri 15 atortaraat aaqqissuussinerup allaf-fissornikkut suliarineranut, atuarfiit allaffiisa (katillugit 20) ukiumut nalunaaquttap akunneri 80 atortaraat, atuarfinni aqutsisut (atuarfiit 20) ukiumut nalunaaquttap akunneri 20 atortaraat aammalu allaffissornikkut isumaginninnermi nuna tamakker-lugu ukiumut nalunaaquttap akunneri 120 atorneqartartut. KANUKOKA-mit oqaa-tigineqarpoq, nuna tamakkerlugu naatsorsuigaanni kommuninut agguaqatigiissil-lugu allaffimmiutut atorfiit marluk suliامت tassunga atorneqartartut kiisalu klas-selærerit suliassa katinnerisa 1%-iat missiliorlugu – kisitsisinngorlugu ukiumut ilin-niartitsissutut atorfik ataasingajak.

Siunnersuummut oqaaseqaatini allassimasutut naalackersuisoqarfiup suliassai pisortanit suliassat nalinginnaasut assigiinnarpai, tamatumunnga ilanngullugit aaq-qissuussinerup allaffissornikkut malittarisassiornissaa. Tamatuma saniatigut naa-lackersuisoqarfik kommunini tapiiffigineqarnissamut tunngasuni aalajangikkanut naammagittaalliortarfiuvoq. Naammagittaalliutit ikittuinnaasimapput. Suliassat taakku mandetiiminik ikittuinnarnik naleqarput sipaaruteqarfissatullu taaneqarsin-naanatik.

6) Inatsisip atorunnaarsinneqarnera innuttaasut aningaasatigut ikiorserneqarnis-samik aammalu pisariaqartitsineq naapertorlugu ikiorserneqarnissamik saaffiginnit-

tut amerleriarnersigut kommunit allaffissornikkut artukkersugaanerannut anner-tuseriaataanginnissaa uppersarneqarsinnaava?

Akissut:

Toqqavissaqanngilanga nalilersussallugu. Pisortanit ikiorserneqartarnermut tunngatillugu periarfissat pillugit apeqqummut 21-mut akissutit innersuussutigaaq.

7) Inatsisip atorunnaarsinneqarnera innuttaasut ilaasa pilersuisinnaassuseqarnerannut sanngiillisaataasangitsoq uppersarneqarsinnaava?

Akissut:

Tapiissutit atorunnaarsinneqarpata soorunami ilaqutariinnut eqqorneqartunut aningaasakilliornerulernermik kinguneqassaaq.

8) Atuartut ilaqutariillu inatsit naapertorlugu ukiumoortumik manna tikillugu tapiissutisartut, taamaalillutillu atorunnaartitsinikkut eqqorneqartussat qassiunersut eqqornerusumik paasissutissiissutigineqarsinnaava?

Akissut:

KANUKOKA-p nalunaarutigaa, kommuninit tamanit kisitsisinik pissarsiniarneq ajornakusoorsimasooq. Ilanngullugu nalunaarutigineqarpoq, KANUKOKA-p paasissutisat tamaasa Qaasuitsup Kommunianit aamma Kommune Kujallermit pissarsiarisimagai, kiisalu kattuffik paasissutissanik illoqarfinit Sisimiuniit, Aasianniit Taasiilamillu nunaqarfittaanillu immikkut pissarsisimasooq. Qeqqata Kommunianiit kiisalu Kommuneqarfik Sermersooq-miit KANUKOKA kisitsisit pigineqareersut aallaavigalugit naatsorsuuisorsimavoq, tassungalu atatillugu erseqqissaatigalugu, kisitsisit taakku annikitsunnguamik assigiinngissuteqalaarsinnaammata.

KANUKOKA-p ilanngullugu nalunaarutigaa, ukiup atuarfiusup 2008/09 aallartinne-raniit klassit marluk tapiiffigineqarsinnaasut, tassa 9.- aamma 10. klassit. Piffissap siuliani klassit pingasut, tassalu 9., 10. aamma 11. klassit tapiiffigineqarsinnaasimapput. Ukiumi ikaarsaariarfiusumiit tassa 2008 atuartut tapiiffigineqarsinnaasut 328-inik ikileriarput.

KANUKOKA-miit nalunaarutigineqarpoq, ukiumi atuarfiusumi 2007/2008 atuartut katillugit 758 tapiiffigineqarsimasut, taakkulu klassini qullerni (9.-10. klassit) atuartut katillugit 34-38 procenterigaat. Atuartut tapiissutinik pisartut 54-58%-ii (atuartut 434) annerpaamik tapiiffigineqarsimapput ikinnerulaartunillu tapiiffigineqartut 15%-it (atuartut 115) missilioraat. Immikkoortut allat agguataarsimanerat pillugu KANUKOKA-mit nassiunneqartut innersuussutigineqarput.

9) Apeqqutip 8-p akineqarneranut atatillugu naatsorsuisoqarsimappat naatsorsuiner-mi tunngaviit taamaattut nassiunneqarnissaat Ilaqutariinnermut Ataatsimiit-taliarnit kissaatigineqarpoq.

Akissut:

KANUKOKA-mit nassiussat ilanngunneqartut innersuussutigineqarput.

10) Tapiissutit pillugit naatsorsuinerit taakku kommunikkaartumik, illoqarfikkaartumik nunaqarfikkaartumilluunniit natsorsorneqarsinnaappat?

Akissut:

KANUKOKA-mit nassiussat ilanngunneqartut innersuussutigineqarput.

11) Siunertarineqartoq naapertorlugu sunnuteqarsimanersaq, taamaalillunilu naalakkersuinikkut anguniakkat eqquutsinneqarsimanersut paasiniarlugu tapiissuteqartarnermik aqqissuussineq inatsimmik 1982-imi akuersissutiginninnerup kingorna naliliiffigineqarsimava?

Akissut:

Ilisimaqarfiginngilara aqqissuussineq naliliiffigineqarsimanersaq. KANUKOKA-p nalunaarutigaa, nuna tamakkerlugu tapiissuteqartarnermik aqqissuussinnerup naliliiffigineqarsimaneranik ilisimasaqaratik.

12) Apeqquut 11-mut nangissutitut naliliinerusinnaasut paasisaqarfiginissaat kissaatigineqarpoq.

Akissut:

Apeqquummut 11-mut akissut innersuussutigineqarpoq.

13) Inatsit atorunnaarsinneqassagaluarpas meeqqat atuafianni atuartut angajullit amerlanerusut ilinniakkatigullu pissarsillutik ukiumik atuarfiusumik kingullermik naammassinnittarnissaannut Naalakkersuisunut ilaasorta qanoq siunnersuutisaqarpa siunnersuutillu taakku Naalakkersuisumit qanoq piviusunngortinniarneqassappat? Kajumissaataasinnaasut pitsaasut pitsaannginnerusullu ilanngunneqarnissaat kissaatigineqarpoq.

Akissut:

Siuliini taaneqareersutut atuarneq tamakkerlugu ilinniartinneqartussaataaneq atuuppoq, tamannalu tunngavigalugu pisariaqarsorinngilara amerlanerusut atuariatortalerinissaat ilinniakkatigullu pissarsisarnissaq pillugit suliniuteqarnissaq.

14) Tapissutit akileraaruteqaataasussaataappat akissullu inatsisitigut tunngavimik innersuussinermik ilaqartinneqarsinnaava?

Akissut:

Peqqussummi § 4, imm. 1 naapertorlugu atuartoq tapiiffigineqarsinnaavoq. Aalajangersakkamut oqaaseqaatini allassimavoq, tapiissutit atuartumut tuttussaanagerata nalunaaraa, tapiissutit atuartumut iluaqutaassasut. Ilanngullugu oqaatigineqarpoq, taamaaliornikkut akileraartarnermut tunngatillugu ajornartorsiuteqalernissaq pinngitsoorneqarsinnaasoq, tassa tapiissutit qaqugukkulluunniit akileraaruteqaataasussanngussanngimmata.

15) Atuartut angajoqqaaminni najugaqartut tapiissutisisinnaatitaasullu atuarnernunut iluaqutissanngorlugit tapiissutit pissarsisartunit qanoq annertutigisumik atorneqarsimanersut Naalakkersuisunut ilaasortap ilisimavaa?

Akissut:

Ilisimasaqarfiginngilara, atuartunut angajoqqaaminni najugaqartunut tapiissutisisinnaatitaasunullu tapiissutit atuarnernunut qanoq annertutigisumik tapersersuutaasarnersut.

16) Inuiaqatigiinni nunaniluunniit sanilliunneqarsinnaasuni allani atuartunik atuartussaaitaasunik atuariatornissaminnut pisortanit aningaasanik tunineqartartunik Naalakkersuisunut ilaasortaq ilisimasaqarpa, tassungalu ilanngullugu taassuma akerlianik pisoqartarpa.

Akissut:

Naalakkersuisoqarfimmiit tamanna misissuiffigineqarsimanngilaq imaaliinnarlugulu ilisimasaqarfiginngilara nunani allani atuartut atuartussaaitaasutut atuariatornissaat siunertaralugu pisortaniit tapiiffigineqartarnersut.

17) Innuttaasunik pisariaqartitsineq malillugu ikiorserneqartartunik naliliinerminni pineqartut inatsisissatut siunnersuut atorunnaarsinniarneqartoq malilugu tapiissutini pisartagaqarnersut ilanngullugu kommunit naliliisarnersut Naalakkersuisumut ilaasortamit ilisimaneqarpa.

Akissut:

Isumaginninnermut Naalakkersuisoqarfik imatut nalunaaruteqarpoq:

"Pisortanit ikiorsiissutit pillugit inatsisartut peqqussutaat, 1. april 2007 atuutilersoq malillugu "pissaaleqisunut ikiorsiissutit" inatsisiliornermi ilaanngillat. "Pissaaleqisunut ikiorsiissutit" pisortanit ikiorsiissutit pillugit inatsisiliornermi siornatigut ilaani kuupput.

Inatsisartut pisortanit ikiorsiissutit pillugit peqqussut atuuttoq aallaavigalugu tassanngaannartumik pisariaqartitsisoqalersillugu ikiorsiissuqarsinnaavoq imaluunniit pilersuinnermut pisortaniit ikiorsiisoqarsinnaavoq aamma akiligassanut aalajangersimasunut kiisalu ataasiaannartumik aningaasartuutinut, tassanngaannartumik ikiorserneqarnissamut malittarisassani piumasarineqartut malillugit qinnuteqartoq pissarsisinnaappat.

Pilersuinnermut akiligassanullu aalajangersimasunut pisortaniit ikiorsiissutit ikiorneqartussap ikiorneqarnissamik qinnuteqannginnermini atugarisai, pilersugassai, nuliaasup uiusulluunniit imaluunniit pisortanut nalunaarutigineqarsimasumik aappaqarpat nuliarisatut uigisatulluunniit isigineqartup isertittagai, akiligassat aalajangersimasut sumiiffimmilu pissutsit, aallaavigalugit misingersuusiorlugit tunniunneqassappat. Tassa imaappoq pisortanit ikiorsiissutininut ilanngunneqassanngillat meeqqat atuarfianni klassini annerninni atuartunut tapiissutit.

Kommunini inatsisit tunngavigalugit misissuinerni takuneqarsinnaanngilaq, kommuninit pisortanit ikiorsiissutinik nalilersuinermi meeqqat atuarianni klassini anner-ni atuartunut tapiissutit ilanngunneqartarsimasinnaanersut.”

18) Nunaqarfinni illoqarfinnilu atuartut angajoqaallu inuuniarnikkut atugaannut tapiissutinik atorunnaarsitsineq qanoq kinguneqassanersoq siunnersuutip saqqum-miunneqarnissaa sioqqullugu Naalackersuisunit misissorneqarsimava?

Akissut:

Misissuiner-mik taamatut ittumik ingerlatsisoqarsimanngilaq.

19) Taamattoqarsimanngippat misissuiner-mik taamaattumik Naalackersuisut inger-latsilersaarpap.

Akissut:

Maannakkorpiaq taamatut misissuinissamik allartitsinissamik pilersaaruteqarto-qanngilaq.

20) Siunnersuut matumani pineqartoq inuiaqatigiinni inuuniarnikkut atugarisat nali-giinnginnerulernissaannut peqataassanngitsoq uppersarneqarsinnaava?

Akissut:

Isumaginninnermut Naalackersuisoqarfik tamatumunnga oqaaseqaatissaqanngi-laq.

Isertitat assigiinngitsut annertussusaat aallaavigalugu tapiissutit annertussusissaat aalajangerneqartarmata, peqqussutip atorunnaarsinneqarnissaata siunnersuum-mut oqaaseqaatini oqaatigineqareersutut manna tikillugu tapiiffigineqarsinnaasi-magaluartut eqqorneqassapput.

21) Nunatsinni isumaginninnermi inatsisit aqutigalugit kommunini isumaginninnik-kut isumannaatsuunissaq atuutsinneqartoq, taamaalillunilu inatsisissatut siunner-suut akuerineqassagaluarpap ilaqutariit pissakinnerpaat inuuniarnermikkut atugaat nammanneqarsinnaanngitsumik ajorseriaqqunagit ilaqutariit inuuniarnikkut ataat-simut atugaannik naliliinissamut kommunit pisussaaffeqartut uppersarneqarsin-naava?

Akissut:

Isumaginninnermut Naalackersuisoqarfik imatut nalunaaruteqarpoq:

“Isumaginninnermut malittarisassat inuiaqatigiinnut qulakkeerisuupput. Taamaat-torli aatsaat isumaginninnikkut ikiorsiissutinik pissarsisoqarsinnaavoq malittarisas-sani piumasarineqartut malillugit ikiorserneqarsinnaagaanni.

Isumaginninnikkut ikiorsiissutit, innuttaasut pilersorneqarnissaannik qulakkeerisut, tassaapput ilaatigut pisortanit ikiorsiissutit, utoqqalinersiutit aamma siusinaarluni sulisinnaajunnaarnersiutit; isumaginninnikkut ikiorsiissutinik pissarsisartut taakku

tassaagajunnerupput ilaqutariit pissakinnerusut, ikiorsiissutinik taakkuninnga pisarnermikkut inuuniarnermikkut arlaatigut qulakkeerinniffiusimasut.

Erseqqissaatigineqassaaq, inuiaqataasut ilaqarsinnaammata, SIK malillugu akissarsiarineqarsinnaasut minnerpaartaannik akissarsisartunik imaluunniit piffissap ilaannaa sulisartunik, kiisalu namminersortunik annikitsuararsuarnik isertitaqartartunik, innuttaasullu taakku – naak anikitsuinnarnik isertitaqartaraluarlutik – pisortat ikiorsiissutaannik pisinnaanavianningsunik, malittarisassani piumasarineqartut malillugit pissarsisinnaannginnamik. Inuiaqataasut taakku meeqqat atuarfianni klassini annerni atuartunut tapiissutit atorunnaarsinneqarpata pisortanit ikiorsiissutit aqquutigalugit taarsiullugu tapiiffigineqarsinnaanngillat.”

22) Nunatsinni innuttaasut akornanni ilinniagaqarsimassutsikkut nikingassutip siunnersuut manna aqquutigalugu annertuseriannnginnissaa uppersarsarneqarsinnaava?

Akissut:

Tungavissaateqanngilanga nalilissallugu, siunnersuut aqquutigalugu nunatsinni innuttaasut akornanni ilinniagaqarsimassutsikkut nikingassutitut oqaatigineqartup annertuseriarnissaa.

23) Atuartut atualernissaminut piareersimanerat aammalu meeqqat atuarfianni ilinniakkatigut aallussinerat eqqarsaatigalugu inatsisip atorunnaarsinneratigut kinguneqaataasinnaasut Naalakkersuisunut ilaasortamit ilisimaneqarpat misissorneqarsimappalluunniit?

Akissut:

Siunnersuummut oqaaseqaatini oqaatigineqartut siunnersuummut tunuliaqutavoq, siunnersuutip atuutilersinneqarneranut tungaviusimasut atuukkunnaarsimanerat, tassami meeqqat atuarfianni atuarnissaq tamarmi pinngitsoornani atuarfissaatitaamat. Taamaattumik atuartut atualernissamut piareersimasarnerat aammalu meeqqat atuarfianni ilinniakkatigut aallusinerit kingunerisinnaasaat misissuiffigineqanngillat.

24) Aningaasaqarnikkut atugarlunnerpaat inuuniarnermikkut atugaat pillugit ilisimasanik paasisimasanillu Akileraartarnermut Atugarissaarnermullu Isumalioqatigiissitap isumaliutissiissutaa pissarsiviusinnaasoq Naalakkersuisunut ilaasortaq naliliiva?

Akissut:

Aap.

25) Siunnersuutip aappassaanneerqarnerata pingajussaanneerqarneratalu UKA 2010-mut kinguartinneqarnissaa, taamaalillunilu Akileraartarnermut Atugarissaarnermullu Isumalioqatigiissitap isumaliutissiissuteqarnissaata utaqqineqarnissaa pitsaaqutitartut Naalakkersuisunit isigineqarpa.

Akissut:

Naatsorsuutigaaara apeqqutip qallunaatuani "EM2009"-mi 2010 isumagineqartoq taamaanngippammi kinguartitsineq eqqartorneqarsimanavianngikkaluarmat.

Siuliini nalunaarutigineqareersutut aqqissuussinerup atorunnaarsinneqarsinnissaanut siunnersuutip tunngavigaa, aqqissuussinerup siunertaa atuukkunnaarsimammat, meeqqat atuarianni atuartussaataaneq tamarmiusoq maannakkut pinngitsoorani atuariusussaataammat. Tamanna eqqarsaatigalugu immineq isumaqanngilaq Akileraartarnermut Atugarissaarnermullu Isumalioqatigiissitap isumaliutissiisutissaa utaqqissallugu. Kinguartitsinermut taamaallaat tunngaviginiarneqarsinnaavoq Akileraartarnermut Atugarissaarnermullu Isumalioqatigiissitap suliaqarneranut atatillugu aqqissuussinerup atorunnaarsinneqarnissaata kinguneriumaagassasa ilanngunneqarnissaannik kissaateqarneq.

Inussiarnersumik inuulluaqqusillunga

Mimi Karlsen

Assinga ukununnga:

Isumaginninnermut tunngasutigut Naalakkersuisunut ilaasortaq
KANUKOKA